

阮南叔鳴鵑詩集

〔註〕南叔名衡。父安宜春仙田人。故黎名家子也。西朝求索艱關逃遁。常賦詩見志。所作觀海鳴鵑諸集。古調沉鬱。皆憂世憫俗之語。本朝大定諸貴人多以禮延之。衡亦不復應舉。終身窮約而死。

▲杜鵑

鷓鴣鳴。山南杜鵑鳴。山北一鳴曰。家家一鳴曰。國國彼鳥。尚有家國聲。孤臣至此心。何極。

★客中中秋

一碧天如洗。三更月正寒。可憐今夕好。不得故園看。羈旅渾無定。妻孥且共歡。山河隨處滿。靜數桂花團。

●南策旅次

舅氏阮如衡公見任南策西堂。去冬挈家依之。時在府廳傍家居住。

有舅官斯土。時來且暫依。半閒聊有托。數口可無饑。書靜書當枕。春寒火作衣。離鄉殊未賤。久客自思歸。

○望鳳凰山懷朱文貞公

高哉鳳凰山。山有樵隱僻。樵隱已寥寥。此地猶

遺跡。先賢不得志。去矣懷閒寂。我懷更何如。空自負泉石。

▲東橋夜思

東橋人定後。獨自坐無聊。淡月斜方照。疎鍾斷復飄。客心當此夜。世事又明朝。不用聞鷄舞。題詩慰寂寥。

○策江端午

令節匆匆過。他鄉落落貧。曾無下酒物。不是獨醒人。

●有贈

宜爲萬人上。却在萬人下。碌碌萬人中。誰是知君者。

●書懷

豈是名爲累。皆由氣不平。不平須有氣。爲累可無名。坎珂安時命。推移感物情。常存晚節戒。勿使負平生。

★念在家二女

居家雙弱女。朝夕望爺娘。冉冉經年別。悠悠去路長。時猶聞信息。遙爲製衣裳。天屬斯難捨。故鄉安可忘。

喜弟偶來自四岐

鬢弟來何晚。余心喜欲狂。與君相會處。忘却在鄉他鄉。

急難死。喪間念莫如。兄弟豈是邈。無情但恐情難繼。

惟有情無盡。斯言不我欺。與君同一本。皓首以爲期。

▲北城除夕

去年南策府。今夜大羅城。漂泊渾無定。饑寒尙有生。檢詩傷古思。對酒覺多情。明日明年事。驚人爆竹聲。

情詩

偶於城東門口占

邇來聞有命。不屑與交遊。惟是子之故。使我心

長愁。可惜舊日情。却從江水流。水流終到海。人自有回頭。

◎客衣單

天意將爲暖。人情已厭寒。狐裘泣紅日。何患客衣單。

▲春日北城旅次戲作

寒與衣俱盡。債從春共生。繁華如夢裏。祇攪旅人情。

●題桃李譜

余在北城。凡所餽送編爲一譜。名爲桃李譜。因題詩于其端。

丈夫生世上。不幸受人恩。縱得千金報。終爲一飯存。哀多推漂母。喜劇動王孫。三載流離客。含情未敢言。

○新城詠

矗若長雲起。巍如列障攢。老人昏不識。猶作故城看。